

民國新脩合川縣志

卷八

圖經二

民國新修合川縣志卷之三

邑人張森楷學

建置一

建

置

全城

廂

內

外

全
番



合川縣治城廂全圖



江

渝

金沙磧



測繪主任武勝黎光筠
測繪技師合川石定繼
印刷重慶利昌石印局

例

圖

公署 會所 警局 警署 學校 工廠 聖廟 廟宇 古蹟 教堂 城垣 街道 城門 房屋 道路 橋梁 碼頭 河濱 沙地 墳墓

右合川縣治城廂內外全圖城當經西十度起三十度二分距重慶府城二百一十里此据寇宗重慶府志言今人皆云百八十里府城在京師西南五千七百一

十里則縣城在京師西南五千九百二十里也當府城北面上游坐落

純陽山之東南麓右帶涪水左襟嘉陵江而嘉陵江實合宕渠水北來

會于城東南之會江門外下流爲內水一曰渝水渝州之名由此起舊

志立象緯門引漢書天文志謂巴屬分井鬼參又云觜觿參主益州說

至紛紜今所不取悉于餘編詳之其城背山面水自西北之瑞應門起

逶迤東下凡十丈尺至迎恩門俗呼北門東北平行十丈尺

至望江門俗呼驛門又東北行十丈尺至朝陽門舊曰迎暉門今

又東南行十丈尺至廣濟門俗呼東水門又東南行十丈尺

至會江門是爲北東二面自瑞應門逶迤西下凡十丈尺至演

武門俗呼塔耳門西南平行十丈尺至凝暉門黎淳記作落陽門與朝陽門對也又

西轉南東行十丈尺至觀德門後塞今修王爺廟復闢之爲廟門不通人行又南東

行十丈尺至文明門舊名修文門俗呼學堂門又南東行十丈

尺至仁和門今塞又南東行十丈尺至阜民門俗呼大南門又南

東行十丈尺至永清門

俗呼小南門

又南東行

十丈

尺至會

江門是為西南二面周共

千

百

十丈

尺有奇合

里百

十步零會江門外船埠為鴨嘴鴨嘴外有金沙磧水涸則見漲則否

嘉陵涪水交會于此如衣重襲然漢立墊江縣即取此誼說文襲重衣

也巴郡有襲江縣是其證孟康注漢書音重疊固為襲字作音非為墊

字作音唐人作分竹頌刻石龍多山猶作襲江可見唐以前無作墊江

者今漢志作墊並注亦是墊字蓋流俗傳刻譌不足據地故屬巴子國

華陽國志謂有巴子別都舊州志言州南五里有巴子故城則別都故

城皆不在今治蓋在有襲江名以後矣宋淳祐三年余玠城釣魚山徙

州往治元至元二十年後還故城明天順七年知州唐恂

寇志作成化中張志作天

順十年據黎淳合州修城記侯初視篆云云天順壬午云云壬午為天

順六年作十年非亦不在成化中然費廣養心亭記倘成化丁亥唐侯

守合之又明年也是則恂再經沿瑞應山麓新砌石城高一丈七尺基

廣一丈五尺上徑一丈三尺周一十六里二分計二千九百二十四丈

張志寇志二十四並作一為門十有一張寇二志並作門十有二蓋更

十六今一依黎淳記為定疑當時固無之門各建有角樓二各為三簷高三丈有奇黎淳為之記

具恂語中後以交通不便又增開小南通濟二門弘治十四年民罹火災延燒三門城樓知州宋琢重建徙文明門當文廟中

張據當時之言今則在文廟左

矣嘉靖十六年同知黎一夔議塞觀德小南通濟三門未果十八年知

州唐宗元循其說卒塞之四十一年知州沈本泗以瑞應門爲州城來

脈開則有礙風水塞之而復開觀德門共爲九門四十四年罹賊變爲

大足賊蔡伯貫明年沈本泗增修哨樓三十楹爲防禦之用萬曆三年

知州史修復塞觀德門唯存八門其後復開小南瑞應二門合望江迎

暉廣濟會江阜民文明落陽演武迎恩等門爲十一門迄今無異城隅

有礮臺四曰新蕙曰集烏曰轉閣曰抱仙不知爲誰所命亦不知何取

義哨樓則歲久傾圯不復存矣清乾隆中冀宣明署知州以州城且壞

倡議捐修紳士多以名應未及成款代去王爾鑑繼之爲列狀以上得

可甫議興工報擢某官交卸而罷

據舊志官師表王于二十八年冀于此叔顯當時人與在事

中不應有誤或志文未可據今定從黃三十二年段琪署州事始建築才三之

一遽罷黃叔顯蒞州繼續其工閱二歲餘至三十三年告竣城幾復舊

觀矣叔顯自爲之記具叔顯語中四十七年大水治城倒塌二十一

歷陳錚朱紱蘭兩任俱未及修至周澄任知州繼續補繕至五十三年而畢嘉慶八年知州吳士淳先後增修加高七尺二十四年知州紀大奎又復補修更加二尺有奇道光咸豐間數有修葺率瑣細不足記同治九年十年大水連入城浸漬數晝夜城傾倒過半州人呈請大憲遷城于釣魚山不行知州陳璵李忠清疊請修城委員勘驗許派銀五千兩不敷甚巨未敢動工明年士民醵資共修亦僅修朝陽門爲樹碑記之鄉賢陳在寬爲之辭碑云朝廷設司牧之官所以衛民生而保民命不能察斯民實患所在興利去害而保全民命於無盡合陽三江交匯城東朝陽門當嘉陵岩渠下流之衝城門卑狹每遇江漲輒先受水河干救生船水小則阻漲於橫梯大則阻於門洞居民病之去年六月既望暴雨數晝夜洪水驟漲城中比屋成巨浸男女老幼登屋巔而號救者數千家而舟爲洞阻竟不能進水退後城垣廬舍傾圮相望而號救者嘉靖間州城被水後以此水爲甚蓋三百年未有之災也今春二月李侯來牧此邦庶政咸理城中士民訴水患以增高城門爲請或疑程功大而懼所費之不資也侯親履勘畢曰惜財節力固也而民命所關爲尤重吾爲爾等籌費以千緡爲限其舉廉能者董斯役乃遴匠採石鳩工庀材自四月經始迄八月而巍如廓如朝陽門於是乎成其時任斯事者皆能櫛風沐雨不憚勤勞節糜費以速告成功其經營締造之勞不與吾侯籌資集事聿觀厥成之德均有不沒者在本年夏秋江水復浸溢入城恃工已告竣得以無恐夫工作無論乎大小惟期有濟於民生矧城垣所以衛民因陋就簡既不足以壯觀瞻省費減工亦不足以資捍衛李侯拳拳乎以民命爲重增拓斯門從此崇墉屹屹永固金湯民之利實侯之力也溺由已溺其在斯乎抑寬更有進焉傳曰民

保於城城保於德比年境內大水迭至是歲旱且蝗彼蒼之示警者十
深矣竊願與州人士思思修省庶幾敬天威而保城以德也是爲記十
一年知州費兆鉞請准派銀二萬兩督同士紳補修完固歲餘竣事由
是城不修者可五十年民國五年田慶芬知縣事護國軍來攻未下退
去慶芬猶事城守頗增埤城堞十數處報銷乃至累千今見者多指所
加爲金城也九年五月大雨時行小南會江二門之間城圯數丈城人
議請補修軍興未及理時事少靖當必有工作云行政公署在城西北
瑞應山麓蘇家街西頭路北自有圖循公署照牆而西■丈■尺爲西
轅門街盡于此東出■丈■尺爲東轅門又東■丈■尺路北爲青竹
灣巷口

巷北行■丈■尺轉東■丈■尺有大水井浣濯者汲之折北■丈

■尺厯清真寺右少西過團練局後門仍北行循公署東牆北上■

丈■尺路北爲廣濟倉監倉凡數十廩向有蓄積今空如矣又北東

上有小巷爲長七間民居路北爲中區小學校自有圖校外一巷東

■丈■尺路北有聯珠洞太一洞故名勝地清乾隆吏目沈懷瑗倡

議修復鄉賢黃道中爲之記語具文在今爲民居侵佔略存形式而

已洞下又東■丈■尺巷盡爲總神廟通巷舊名澄清街一傳瑞映街

又東■丈■尺路南爲久長街口有康熙舉人石邦楫繼妻楊氏節

孝木坊前清康熙■年■月立舊州志不載厯坊而東■丈■尺有

商會商總白治安初任商總時醵貲所立自有圖又東■丈■尺爲

街東頭盡矣出街而北爲申明亭街中有申明亭在街北頭路中爲

樓一重前清奉旨立以申明法律勸諭士民處今遺制僅存樓下賃

人居爲茶社者已數十年于茲矣未至申明亭百許步路東有嘉福

寺俗傳大寺古爲大白花山寺踞山頂拾級三四十許乃登城中自

瑞應山外此爲最高朱虎臣戊寅人日從西村師自花山登高卽事

山青入座繞隄新柳綠浮江勝遊追古牋同擘老筆書空鼎獨扛感

舊無端上高閣夕陽人倚白雲窗禹湛同前題詩云挈得尋山屐一

雙爭從高閣啟晴窗柳條短短將臨水山色依依欲過江白雲歌

成餘古調黃柑酒熟試春缸勝遊敢續城南句薄暮歸來興未降警

察署居之便偵視也署尙未定因缺不爲圖厯寺門北行■丈■尺

有市肆爲故內閣中書陳昌陽故居今易主矣又東行■丈■尺有

菜市當申明亭前西偏爲總神廟巷口巷西爲川主廟廟頗宏敞有

樂樓走廊正殿後殿各室祀故秦蜀守李冰及其子二郎叙修時不可考舊爲普德廟州志云本在城北五里博溪上後移祀鄒公祠左

爲川主廟更易名曰惠民宮重修則在前清戊午周作孚爲之碑

碑云

咸豐八年季夏之半吾合重修惠民川主尊神廟成州人士作樂張飲以落成之明經禹君江先生實首其事謀泐襄助之名于石屬孚爲之記孚維川主爲全川福神其著蹟已具載通省誌斯役之緣起廟宇之規制江及州孝廉崇甯學博彭君愛泉先生復言之甚悉可勿贅而孚於是役獨有以見人神相感至捷其靈爽之憑依吾合可徑斷也得三異焉始江叔修建之議或尼以爲難及闢基得窖鏹百七十金積石累累足半廟階砌之用眾始漸集有若神預儲以鼓勵人心者購材安居鄉泊白楊溪夜大雨溪水暴發工匠恐浪衝激筏解而木飄也急起維筏初時昏黑自顧不見其掌抵岸天忽開明纜木竟而旋晦翌早視之不遺片材又若有特護此木放天毫光者廟成莊嚴神像擇木未果苑君雲集暨賴君君誥道木鄭雲樵行至曬網沱見巨木臥岸側長丈餘大數圍市之地主命工二十餘率挽不能動既具香帛楮幣行頂禮禱祝十餘人忽舉之眾尤以爲異夫神爲蜀禦大菑捍大患利濟之功幾侔神禹廟食百世祀典攸宜合邑市井繁富神廟壯闊者頗多此廟獨因仍簡陋無爲更新勿論神或恫怨人亦忍焉而一經營構靈異豐彰可見人神之相感至捷直謂靈爽憑依吾合亦非誣也入廟瞻依者宜如何致其恭敬耶至賊烽四警蜀獨安堵如故小醜竊發或先事敗露或立就撲滅未必非神之默爲呵護誠如江云我儕仰邀神貺急思所以無愧于神者使在天之靈陰降鑒之長庇蔭于將來也又在乎人之自爲也已常與江放論及此江亟可愚言爰書之以告州人兼爲全蜀之默受神賜者告廟工起于咸豐七年六月初旬落于八年六月計費百工四百有奇木工三千四百有奇泥工三千五百有奇合雕繪金漆竹木輒瓦灰煙雜用共錢三千六百緡有奇董事者江江禹

君襄事則苑君雲集杜君文軒戴君
穆如楊君德荇鄧君松風也并記

出廟北上丈尺路東為慧靈宮俗呼為總神廟其來蓋遠明季

燬于兵清順治末知州劉廣修復之乾隆二十五年知州王采珍記

其事舊記云合陽襟山帶水坎離兩峰對峙間有火患瑞應山巔東側

遂傾地易錦繡為荒涼民之慘不可勝言聖朝定鼎招徠安集煙火

漸增求所謂為民捍患如慧靈宮遺跡僅有故址焉順治十七年劉

公廣守是郡公餘登瑞應山偶假寐聞空中人告曰好好好利於

寂疎然久語人曰是地神有靈得毋欲興此宮以福吾民乎凡利於

民者則興之守土者責也鳩工庀材仍故址殿五椽位玉清中建殿

五椽肖真武像以雷祖配取水旺制火意自是晨鐘暮鼓聲徹城中

用安神靈莫茲兆庶數千來慧借其徒來自武當復募多金補葺之

之顯應也可厥後道人陳來復昇與紳士耆民謀就殿前鑿石磴結

廟五間以為宮之翼工起於秋七月月中旬迄九月九日工竣而請序

千余余念神惟民依民惟神祐天子為民擇牧牧民者亟亟利民之

是圖承平日久五方人聚此地繁庶亞於渝城頻頻報火災合自前
朝建斯宮鮮火患劉公假夢中語以為民造福之事歸功於神之靈
余素不信神神之大有造於合民彰彰也是則可誌也因從士民請
為石記之以告後之牧斯民者至總神廟之名州人傳訛義無取焉
茲不廟前有鴿子市今為兵隊借住鴿去不復來矣廟後有玄武池
長一丈闊二尺深一寸前州官紀大奎以州常患火因鑿池瀦水制
之一名明月池循廟北上丈尺為瑞映門舊志八景有瑞映清

風卽在于此門上有七星釭貯水常滿亦紀大奎置以厭火者門樓特畫坎卦應之今遺蹟猶存樓側有銅礮一爲咸豐庚申文生戴繼典捐鑄以禦賊者錫名保合威遠大將軍當時嘗爲周倬張四童一用之小南門而南津街賊退民國五年護國軍來攻城踞純陽山臨瞰全城城人洵思知事田慶芬無策文生戴崇德急發此礮擊之護國軍遁去城獲亡恙以云保合誠哉其保合也森楷嘗偕黎致平登城測繪過礮側一摩抄之父老爲予言如此因記焉

川主廟南有巷在廟樂樓外牆南樓覆其上典鋪牆在北夾之巷嘗

畫閣西出■丈■尺轉北■丈■尺爲布市街又西■丈■尺爲水

井院巷循巷南行■丈■尺轉西■丈■尺路北有清真寺回教禮

拜堂也壽民沙九江世居之舉人張正崙歲貢蕭望崧亦寄寓焉望

崧舊塾詩序所謂青竹巷也序云老屋數椽人口日增幾無餘容鄰地因安研于青竹巷與張懸圖比隣居

倡結文社者十餘人嗣懸圖計偕北上子受鄉塾延聘此地竟長間矣詩云人生如蜚鴻隨處留爪跡爲愛陶淵明南都卜其宅緇帷聚

生徒素心樂晨夕忽然寺右爲青竹灣巷路相傳清嘉道中此巷尼

庵左右修竹故以名巷庵後移沙溪廟竹亦無存徒有其名而已

亭東南斜對爲戴家巷口

進巷東行■丈■尺有戴家祠文生戴繼典家所修也又東■丈■

尺抵城牆合壽佛宮來路南去爲太平巷巷口爲白花街

過亭爲孝義街一名雲衢街有明旌表節孝程頌妻李氏之坊坊故石質年久而泐光緒末街人易以木補刻其可見之字數十不能屬讀但知其爲程氏而已今考得之如此李自有傳在列女一過坊北行■丈■尺轉東■丈■尺又北■丈■尺爲迎恩門卽北門也舊志言明洪武八年典術彭旭建惠民藥局于北街代遠年湮竟不可考門左有壽佛宮一偁廣西會館城鄉桂籍之客民歲時于此走集焉其巷南去爲壽佛巷通白花街

壽佛宮面城而立內有國民小學校一所軍隊來駐劄時校師生輒避去幸其屋宇無多非至萬無如何時兵隊不往駐也循城而南爲壽佛巷■丈■尺至太平巷有馬王廟小山門又南■丈■尺出口爲館驛門白花街

白花街在館驛門內西行■丈■尺路北有故馬王廟爲清汎官祀馬

祖之所自有圖今以官產競賣早屬人家僅存一殿一小院而已廟對
出丈尺路南有把總署自有圖今爲民家戴氏購有之出署又東
丈尺白花街西盡之矣轉北爲火神廟廟外有線子市婦女紡花
者于此爲交易焉廟內正殿略高相傳爲小白花山頂白花街所由名
也張乃孚有小白花山人文集亦以居近此故今其居所所在不可考矣
廟自有圖出廟北行丈尺爲蘇家街口南下爲梓橋街循白花街
口南行丈尺有三元廟在街北故陝西客籍會集之所同治九年
陝人霍爲榮署州事醵貲重建清季燬于火後改作戲園今夷爲肆廛
矣又南行丈尺爲梓橋北街南頭盡處與丁市街溪子口明月街
交會路作十字式俗謂之十字口前清處決斬絞罪犯于此與眾棄之
意也民國匪盜如麻自知事團保皆專斷決不待時無三覆之事隨地
爲刑場未聞有刑人于此者所謂人道主義爲民國國民幸福如此其
自由邪自十字口街東行丈尺爲溪子口街盡處爲朝陽門城正
東門也門南有巷通藥市街名紫炁巷對門西行爲明月街說詳後南
行爲丁市街街北頭丈尺舊有明胡世賞恩綸坊同治庚午圯于

水知州李忠清爲立一碑紀其事以記念之後經大火者再碑遂燬不
復見李記亦不可得聞矣又南丈尺路東有經徵局官膏局今並
廢又東丈尺有街口斜出爲藥市街東行丈尺路北有于公
祠祀清名宦于成龍後以冀宣明常學易周澄姜繡張兌和爲六公祠
咸同間加祀紀大奎李宗沆爲八公歲時由官祭祀今佃爲藥行不復
舉行祀典則民國民須自立無取乎循吏故不貴之也又東丈尺
街盡爲廣濟門俗呼東水門門內街皆貨藥者居之故名藥市街云出
藥市街西口東南行丈尺有兩街口歧出西南行爲餅子街南行
爲小南街交互處略如篆文丁字卽所謂丁字拐也由拐處南行丈
尺路東有小巷爲白菜園出口嚮立于公祠于此後移藥市街循巷
口南行丈尺爲小南街南頭盡處有城門曰永清門俗謂之小南
門舊志言南街有忠宣樓州人感元總帥李德輝不殺之恩建李相樓
祀之及德輝卒遂以其謚名樓今不可考張乃孚登忠宣樓詩云長空
餘黛江寒水帶愁壯懷天際遠好句小南門街爲米糧銀錢商船廩集
座中收不醉涪陵酒庾公空此遊之所最名繁盛茶社酒肆日無虛席席無虛晷相傳茶博士添水三度